

FESTIVAL TUMBERITO TABATA TREMENDISIMO... UNDA E PUBLICO A KEDA PA SOSTENE NOS FUTURONAN ????

** Ta di lamenta cu un publico masha chiquito a presencia pa apoya nos futuro artistanan den Stadion di R.C.A., na unda e Festival Tumberito a tuma lugar dialuna ultimo.

Nos muchanan cada aña ta demostra cu nan ta forma un tremendisimo espectáculo durante e festival, cu hasta bo por tribi di bisa cu ta mucho mas alegre y divertido cu e festival di Tumba di nos grandinan.

Nos futuro tumberonan a ser acompaña den un forma magistral pa e excelente "All Star Band" bao direccion di Amado Rosina. Tambe mester duna credito na e coro di Maybeline Arends-Croes.

Elsa Westerburger como maestra di ceremonia, tabata esun perfectamente pa anima e festival di mucha. Tambe Miki Gravenhorst como stage manager a bolbe percursa pa e festival cana den un tempo rapido.

E huradonan tambe a realiza un bunita trabao, di escohe merecidamente e



** **FRANCELLA JACOBS** cantante infantil di **DEN AMBIENTE AWARDS 1995**, a demostra pakiko el a ser galaradona durante e Festival Tumberito, conquistando e corona di **Reina Tumba Infantil 1996**, den un forma indiscutible cu su fantástico Tumba "Hise na laira muchanan", compone pa **Martin Quandus** y aregla pa **Efi Thiel**....Pabien mi Reina!....

dos ganadoranan, kendenan a resulta den dos



** **JOSEY KOCK** aña pasa a sacudi Aruba Entertainment Center cu su "LENSO"...E aña aki ta "MULA" el a "MULA" e publico den stadion di R.C.A. cu su "MULINA" pa asina conquista e corona merecidamente como **Reina di Tumba Hubenil 1996**...Ta di spera pa tende hopi mas di e talentoso cantante aki durante aña 1996...

Reina di Tumba.

Tur e participantenan a presenta nan tumba riba un nivel halto y tambe varios di nan a presenta cu nan grupo di baile, deleitando e publico cu shownan electrificante.

E muchanan aki a hasi tur locual tabata na nan alcance pa brinda e publico un show di halto nivel, pero tabata un duele cu e publico no a sa di duna nos futuro estreyanan e apoyo y estimulo nese-

cario. Ta di spera cu otro aña esaki no ta e caso...Ban mira shonnan..ban apoya nos muchanan cu mayan mester defende nos pida baranca stima ARUBA...

DEN AMBIENTE



** Hopi "great" mes tabata e grupo di coro **INDIAN**, e coro tabata sali manera un flecha!...



** Sin duda e "**ALL STAR BAND**" aki forma pa musiconan di caliber halto, bao direccion di e incansable **Amado Rosina**, merece tur clase di elogio pa nan valioso contribucion na nos futuro estreyanan..



** Nos muchanan y nan mayornan a goza sin fin durante e tremendisimo festival **TUMBERITO**....Un **PABIEN** grandi ta bay na e ehemplar publico aki...Ta asina ta **APOYA** nos futuro **ARTISTANAN**...